



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Filiæ Regum Sanctimoniales, Benedictin[a]e quidem, sed professionis incertæ. cap. XXX.

urn:nbn:de:hbz:466:1-38397

Filia Regum Sanctimoniales, Benedictinæ quidem, & professionis incertæ. Cap. XXX.

Magentina, Chilperici Burgundie Regis filia.



AGONTINA, Chilperici Burgundionum in Gallia Regis, filia, patre occiso habitum monasticum, in quodam Gallie cœnobio, sumens, in uirginitate perdurans proposito, migravit à seculo. Floruit anno Domini 560. *F. Stephanus Lusignanus copul. 4. c. 21. & alii nonnulli.*

Gisla, Pipini Francie Regis filia.

GISLA, Pipini Brevis Francie Regis filia, in quodam Gallie cœnobio, monasticen professâ, cum sanctè & laudabiliter in sua uocatione fuisset conuersata, paulo ante Caroli Magni Imperatoris fratris sui mortem sponso suo coniungitur, anno Domini 813. *Ennodius in uita Caroli Magni. & alij.*

Ximena, Froile Hispanie Regis filia.

XIMENA, uel Seemena, Froile Asturum, & legionis in Hispania Regis filia, cum ex furtiuo Sanctij Comitis concubitu Bernardum Carpiensem concepisset, à fratre Alphonso Casto Rege, monasterio dicata, atque sacro flammeo uelata, perpetratum, crimine religionis obseruantia diluit. Floruit anno Domini 790. *Ambrosius Moralius, lib. 13. c. 47. Mariana, lib. 7. c. 9. & alii omnes.*

Anonyma, Boleslai Polonie Regis filia.

N. ANONYMA, Boleslai, primi Polonie Regis, ex Conilda uxore tertia, filia, monasticen professâ in Polonia, in Abbatissam potmodum electa est, circa annum Domini 1000. *Id. Pistorius Nidatus in Genealogia Polonie Regum, & alij.*

Sancia, Sancii Portugallie Regis filia.

SANCIA, Sancii Portugallie Regis filia, quæ floruit, anno salutaris circiter 1200. Berengarie sororis suæ exemplo, religionem in quodam Hispanie cœnobio ingressâ, in sua uocatione obiit. *Campana in Arbore Regum Portugallie.*

Adelphi.

Adelheida, Casimiri Poloniae Regis filia.

ADELHEIDA, vel Adelheidis, Casimiri II. Poloniae Regis, filia, in sanctimonialis habitu, quem à iuuentute sua gestauerat, obiit anno 1211. & in monasterio suo, cuius tamen nomen ignoratur, sepulta est. *Nidanus in genealogia Regum Poloniae, & alij.*

Veronica, & Eufrosina, Premislai Poloniae Regis filia.

VERONICA, & Eufrosina, quæ ab alijs Agatha uocatur, Premislai I. Poloniae Regis filia, regni cura abdicata, uno ardore uitam monasticam amplexæ sunt, circa annum Domini 1240. & post mortem in monasterio suo sepultæ. *Nidanus in genealogia Poloniae Regum, & alij.*

Anna, Boleslai Poloniae Regis filia.

ANNA, Boleslai Pij Poloniae Regis, filia, in quodam Poloniae cœnobio vitam religiosam amplexa, in religionis proposito, quod uoluntate assumpserat, obdormiuit, anno Domini circiter 1280. *Nidanus in Genealogia Poloniae Regum, & alij.*

Maria, Dionysii Portugalliae Regis filia, Notha.

MARIA, Dionysii Portugalliae in Hispania Regis filia, Notha, vitæ se monasticæ dedit in quodam regni paterni cœnobio, ubi & moriens tumulata est. Floruit anno Domini 1320. *Mariana, lib. 14. c. 11. & alij nonnulli.*

Brigitta, Eduardi Angliæ Regis filia.

BRIGITTA, Eduardi VII. alius, III. Angliæ Regis, filia, religione casta, sanctimonialem induit in Anglia, anno salutis circiter 1470. paulo ante, vel post, & in monasterio suo uitam cum morte commutauit, & sepulta est. *Polydorus Virgilius in histor. angl. lib. 2. & alij genealogistici scriptores.*